




Mana Tohu Mātauranga o Aotearoa  
New Zealand Qualifications Authority



# Te Aratohu mō te NCEA

Te Reo Māori

## **Nama Tauira ā-Motu (NSN):**



He Nama Tauira ā-Motu tā ia ākonga. Me mātua mōhio, ā, me pūkete hoki koe i tāu ki tētahi wāhi haumaru.

E āhei ana tō kura tō NSN te whakamōhio ki a koe. Mā tēnei ka waihanga i tētahi pūkete i te paetukutuku NZQA. E mahi ai i ngā aromataawai matihiko, te kite rānei i ō māka, me mahi pūkete.



E waihanga ai i tētahi pūkete, e takiuru ai rānei, haere ki [www.nzqa.govt.nz](http://www.nzqa.govt.nz) ā, pāwhiria ‘takiuru’ i te kokonga matau ki runga.

## Ngā ihirangi

Tō haerenga	4
NCEA Ngā tūāpapa	7
Ngā mahi o te NCEA	11
Aromatawai	16
Te Whakamana ake	20
Urunga ki te Whare Wānanga	23
Karahipi Aotearoa	26
Ngā Rauemi Tautoko	29




# Tō haerenga



He aha ō whāinga me ō manako? He aha te umanga pai ki a koe? Kei te pīrangi rānei koe ki te noho ki Aotearoa, ki tāwāhi rānei mahi ai?


E eke panuku ai ō whāinga me ako koe i te aha? Me ako rānei koe i tētahi momo marau nōu i te kura, pēnei i te Pūtaiao, i te Hangarau, i te Pāngarau, i te Toi Puoro rānei? Me whakawhānui tonutia tō whai mātauranga?



Mā te katoa te NCEA, mena e whai ana i te mahi pia, i te ako tonu, i te whai mahi rānei hei te wehenga i te kura.

He mea nui te whiwhinga NCEA mō te pūtea hei anamata. I roto i ngā tau e iwa o te wehenga i te kura, he rererua noa nei te pūtea ki ngā tāngata whiwhi NCEA Taumata 2 i ngā tāngata tohu kore.

Ko te noho tonu ki te kura, te whiwhi hoki i te tohu Urunga (UE), ka nui ake te pūtea i runga i te 25 īrau i tāu i wehe noa ai i te kura me te NCEA Taumata 2.





# NCEA Ngā tūāpapa



Ko te whānuitanga o te NCEA, ko **National Certificate of Educational Achievement**. Koinei te tohu matua ki ngā ākonga pakeke o te kura tuarua, ā, kei ngā taumata 1, 2 me te 3. He tohu whai mana te NCEA i te ao.

## Ngā taumata



### Mā te NCEA Taumata 1

koe e whakarite  
ai ki tētahi tūāpapa  
whai pūkenga, whai  
mātauranga, ā, e āhei  
ai tō whanaketanga.

### Ko te NCEA Taumata 2

te tohu itinga rawa  
e āhei ai i a koe ki ngā  
mahī me ētahi hōtaka  
whare wānanga.

### Ko tā te NCEA Taumata 3

he whakarite i a koe  
ki te ahumahi me ngā  
tohu matatau.



E kuhu ai ki te whare wānanga, ki te tohu paetahi rānei, me mātua whai i te tohu Urunga ki te whare wānanga (UE). Ko tētahi o ngā wāhangā matua o te UE ko te NCEA Taumata 3.

Ka tīmata te nuinga o ngā tauira o te Tau 11 ki te NCEA Taumata 1, ā, ka piki ake ki te Taumata 2 i te Tau 12, ka Taumata 3 i te Tau 13. Ko tā ētahi kura he aro ki te Taumata 2 i te Tau 11, 12 hoki.

Ehara i te mea he rerekē te ako i ngā tini taumata rerekē, ko te āhua o tō hōtaka ako. Hei tauira, ko te nuinga o ū akoranga he taumata 2, heoi ka tīmata i tētahi mea hou ki te taumata 1, ka ako rānei i tētahi akoranga ki te taumata 3 nā tō pakari ki taua mea.

Ehara i te mea me tutuki i a koe tētahi taumata o te NCEA kia pai ai tō tīmata i tētahi atu.

## **Whakamahere i tō huarahi ako**

Mena e rangirua ana koe ki te huarahi ka whāia e koe, me kōrero ki ū kaiako kaupapa me ū manutaki. Mā rātou ngā pātai mō te NCEA e whakautu, ā, ka āwhina i a koe ki te whakamahere i tētahi hōtaka ako kia tutuki ū whāinga.

Ka whai ana koe i te NCEA taumata 2 me te 3, ko ngā akoranga ka kōwhirihi a koe, ka whakaaweawetia āu whiringa hei tō wehenga. Ko te Pūtaiao, te Hangarau, te Mātai Pūhangā, te Pāngarau anō hoki ngā akoranga whai pānga, ka mutu, ko te Reo Pākehā me te Reo Māori, ka hāpai i a koe kia whānui ake tō kōwhiringa ki ngā huarahi mahi.

Mena tē aro i a koe te haere ki te whare wānanga, mā te aha i te whai i ngā akoranga e toru e whai pānga ana ki te Urunga ki te whare wānanga, kia wātea tonu ai te kōwhiringa o te whare wānanga ki a koe mena ka panonihiā tō aronga.

# Ngā mahi o te NCEA



# **Ngā mea me mātua whai e koe mō te NCEA**

E tutuki ai te NCEA i te tau 2024 me te 2025, me mātua riro:

## **NCEA Taumata 1**

60 ngā whiwhinga  
ki te taumata 1

## **NCEA Taumata 2**

60 ngā whiwhinga  
ki te taumata 2

## **NCEA Taumata 3**

60 ngā whiwhinga  
ki te taumata 3

Te Reo Matatini

10 ngā whiwhinga i ngā paerewa o Te Reo Matatini hou,  
i tētahi anō rārangi paerewa whai mana rānei

Te Pāngarau

10 ngā whiwhinga i ngā paerewa o Te Pāngarau hōu,  
i tētahi anō rārangi paerewa whai mana

## Te Reo Matatini me Te Pāngarau

E riro ai te NCEA me whakatutuki koe i ngā whiwhinga 10 i Te Reo Matatini me ngā whiwhinga 10 i Te Pāngarau e whakaatu ai i tō mōhio me tō mārama ki te whakamahi i te reo, waihoki, i te pāngarau me te tatauranga. Ka mutu, ka āhei te riro whiwhinga mā te whakatutuki paerewa mai i te rārangi paerewa haumako whai mana o te reo matatini me te reo pāngarau.

E mōhiotia ana ēnei whiwhinga hei ‘tautokorua’ nā te haere ngātahi me ērā atu whiwhinga āu mō te NCEA.

He tini ngā āheitanga ki te whai i ēnei whiwhinga i a koe i te kura tuarua, ā, ka riro ana i a koe, ka ea te taumata o Te Reo Matatini me te Pāngarau.

Ko ngā paeuru o Te Reo Matatini me te Pāngarau mō ngā taumata e toru o te NCEA.

Mena ka ea ēnei paeuru i te tau 2023, i mua atu rānei, kāore he take i tō whakamātau anō.

Mātakina tētahi ataata e pā ana ki ngā mahi o te NCEA: [www.nzqa.govt.nz/ncea-video](http://www.nzqa.govt.nz/ncea-video)



## **Ngā paerewa me ngā whiwhinga**

Ka aromatawaihia ōu akoranga katoa e ngā paerewa.

Ka whakamārama ngā paerewa i ngā wāhanga rerekē o te mātauranga me te pūkenga. He paerewa whāiti e whakamana ai i te mātauranga Māori. Mā ngā kura e whakatau ko tēhea o ngā akoranga hei whakarato me ngā paerewa e wātea ana ki roto i aua akoranga.

Ka taea hoki te whakatutuki paerewa mā ētahi mahi ki wāhi kē i te akomanga. Hei tauira, ka taea te whakatutuki paerewa:

Mā te whai i tō raihana waka

---


Mā te tū ki tētahi whakataetae kapa haka ā-rohe, ā-motu rānei, ki te Polyfest rānei

---


Mā te tutuki mahi, hōtaka ako rānei.

---

He whiwhinga tō ia paerewa. Ka tutuki ana tētahi paerewa i a koe, ka riro i a koe te katoa o ngā whiwhinga o taua paerewa, me te aha, ka āpitihia ēnei whiwhinga ki te NCEA.



Tērā pea, ka tuku tō kura i ngā akoranga kia whiwhi NCEA i te taumata 1, 2 me te 3.



Ngā akoranga  
Ka aromatawaihia tō akoranga i ia akoranga ki ngā paerewa.



Ngā Paerewa  
He nama whiwhinga tō ia paerewa.

## Te Reo Rangatira

Te whakamārama i tētahi kaupapa kua ākona	Te whakamārama i te pānga o te horopaki ki te reo	Te whakamahi i ētahi rautaki reo	Te whakamārama i ngā āhuatanga motuhake o tētahi momo reo kua ākona
92073	92074	92075	92076
E 6 whiwhinga	E 6 whiwhinga	E 4 whiwhinga	E 4 whiwhinga

# Aromatawai



Ko tā te aromatawai he ine i tāu i ako ai. Ka rerekē pea tō whakaatu i tēnei, pēnei i te tātari i tētahi tuhinga, te tuhi i tētahi tuhinga-roa, te tuku kōrero rānei. Ka aromatawaihia ā-rotongia, ā-wahongia pea rānei āu mahi.



## **Ko te aromatawai ā-roto**

Ko te aromatawai  
ā-roto te wā ka mākatia  
āu mahi e ngā kaiako i  
tō kura.

## **Ko te aromatawai ā-waho**

Ko te aromatawai ā-waho te wā ka mākatia āu mahi e tētahi pae kaiako i waho atu i tō kura, he mea whakarite e NZQA. E hāngai ana tēnei ki ngā whakamātautau whakamutunga o te tau (matihiko, ā-pepa rānei), ki Te Tūmahi Aromatawai Noa, ka mutu, ki ngā kōpaki mahi, ki ngā mahi Kete Manarua kua oti rānei i te kura. Ka tū pea te aromatawai ā-waho hei roto i te tau, hei te wāhanga whakamātautau whakamutunga o te tau rānei.

## **Ngā Whiwhinga**

E toru ngā momo paerewa e whai pānga ana ki te whakatutukitanga o te NCEA: ngā paerewa paetae, ngā paerewa, ka mutu, ngā paerewa pūkenga.

Ka aromatawaihia ā-rotongia, ā-wahongia rānei ngā paerewa paetae. Ko ngā paerewa me ngā paerewa pūkenga i te nuinga o te wā ka aromatawaihia ā-rotongia.

Ko tō whiwhinga te kaitohu i pēhea te pai o tō whakatutuki i te paerewa.

E whā ngā taumata whiwhinga e āhei ana ki te paerewa:

**Korewhiwhi (N)** mō te kore i tutuki i te paearu o te paerewa

---

**Paetae (A)** mō te whakatutuki i te paearu o te paerewa

---

**Kaiaka (M)** mō te whakatutuki i te paearu o te paerewa ki tētahi taumata pai

---

**Kairangi (E)** mō te whakatutuki i te paearu o te paerewa ki tētahi taumata tiketike rawa atu.

Ko ētahi o ngā paerewa me ngā paerewa pūkenga ka tuku pea i ngā whiwhinga N, A, M me te E, ā, ki ētahi atu, ka tutuki(A) rānei i a koe, ka kore (N) pea rānei e tutuki.

## **Ngā Whakamātautau**

Tīmata ai ngā whakamātautau NCEA mutunga tau hei te Nōema. He mea waihanga ngā tūnga whakamātautau kia rawaka te wā ki te whakaatu i tāu i ako ai. Pāhotia ai ngā māka whakamātautau hei waenga i te Hānuere, ka mutu, e taea ana e koe ō māka te tiro me te kite hoki i ū pepa whakamātautau kua mākahia ki te pae tukutuku NZQA, mā te whakamahi i tō takiuru ākonga.

Arā noa atu ngā kura kei reira te āheinga ki ngā whakamātautau NCEA matihiko, mā te whakamahi rorohiko, rorohiko pōnaho rānei. Ka tū tonu ngā whakamātautau matihiko ki tō kura i raro i ngā whakahaere tikanga a NZQA. Mena he whakamātautau matihiko tāu, ka āwhina tō kura i a koe mena he tika tō pūrere, ā, ka āhei hoki te mahi i ngā ngohe e waia ai i a koe anō ki ngā whakaritenga.

## **Ngā here whakamātautau motuhake**

Mena he mate tairongo pūmau, mate tairongo mauki rānei tōu, he uauatanga ako, uauatanga waiora rānei, ka māraurau pea koe mō te whai āhuatanga aromatawai motuhake (SAC).

Ka wātea te tautoko SAC mō ngā whakamātautau ā-roto, ā-waho anō hoki.

Mena he pātai āu mō te SAC, kōrero ki ū kaiako.

# Te Whakamana ake



Mena he rite tonu tō whakatutuki e taea ana ō māka te “whakamana ake”. E rua ngā momo whakamanatanga; Te Whakamana ā-pōkaitahi me Te Whakamana ā-akoranga.

## Te Whakamana ā-Pōkaitahi

Ko tā te whakamana ā-pōkaitahi, he tohu i te tiketike o te whakatutuki puta noa i ngā marau kua ākona e koe.

Ka riro ana i a koe te 50 neke atu ngā whiwhinga ki te Kairangi ki te taumata 1, ka whakamanatia ake tō pōkaitahi taumata 1 NCEA ki te Kairangi.

Ka riro ana i a koe te 50 neke atu ngā whiwhinga ki te Kaiaka (nui ake rānei) ki te taumata 1, ka whakamanatia ake tō pōkaitahi taumata 1 NCEA ki te Kaiaka.

He rite te whakahāngai mena e whai ana koe i te taumata 2 me te taumata 3.

E taea ana te whakamahi ngā whiwhinga i te taumata 2 hei whakamana ake i tētahi pōkaitahi ki te taumata 1, te whakamahi rānei i ngā whiwhinga i te taumata 3 ki ngā taumata 1 me te 2.

E taea ana ngā whiwhinga mō te whakamana ā-pōkaitahi NCEA te kohi i roto i te kotahi tau neke atu.



## Te Whakamana ā-akoranga

Ko tā te whakamana ā-akoranga he āhukahuka  
i ngā whiwhinga ki tētahi akoranga.

I te nuinga o ngā akoranga  
ka whakawhiwhi koe ki tētahi  
whakamana, me 14 ngā whiwhinga  
ki te Paetae, Kaiaka, Kairangi rānei  
i tētahi akoranga i te tau kotahi.

Hei tauira, e riro ai tētahi whakamana  
Kairangi i tō akoranga Kūki 'Airani,  
me 14 neke atu ngā whiwhinga, ā,  
kia neke atu i te 3 o aua whiwhinga  
i pahawa i te aromatawai ā-roto,  
ka mutu, kia 3 i te whakamātautau  
whakamutunga o te tau.

E taea ana te whakamahi ngā  
whiwhinga i te Kairangi, i te Kaiaka  
rānei, hei whakamana ake ki te  
Kaiaka, ā, ko ngā whiwhinga i te  
Kairangi, i te Kaiaka, i te Paetae  
rānei e taea ana te whakamahi hei  
whakamana ake ki te Paetae.

Kāore pea he whakamana tō  
ngā akoranga katoa – me kōrero  
ki tō kura.

# Urunga ki te Whare Wānanga



Me whai Urunga ki te Whare Wānanga (UE) koe e hāngai ai tō haere atu i te kura ki te Whare Wānanga. Mā te whakawhiwhi Urunga Whare Wānanga ka whakatuwhera ai hoki ngā kūaha ki ngā whare wānanga ki whenua kē atu.

E whiwhi ai koe i te UE hei te tau 2024 me whai koe i te katoa o ngā mea e whai ake nei:

NCEA taumata 3.

---

14 ngā whiwhinga ki ia o ngā marau whai mana taumata 3.

---

UE te reo matatini - 10 neke atu rānei ngā whiwhinga i te taumata 2 (kia 5 ki te pānui, kia 5 ki te tuhi kōrero) ki ngā paerewa motuhake.

---

UE pāngarau – 10 neke atu rānei ngā whiwhinga ki te taumata 1 ki ngā paerewa motuhake.



Kōrero ki tō kura kia kite mena e toru ngā marau UE whai mana kei a koe, ka mutu, ka tutuki i a koe ngā paeuru UE reo matatini me te pāngarau. Ka kitea ngā taipitopito mō ngā paeuru UE ki [www.nzqa.govt.nz/university-entrance](http://www.nzqa.govt.nz/university-entrance)

Whakawhiwhia ai te Urunga ki te Whare Wānanga hei te Hānuere.

Kei ngā whare wānanga ā rātou ake paeuru ki ngā hōtaka. Tonoa te whare wānanga e hiahiatia nei e koe te kuhu, he aha ā rātou paeuru. I ūna wā ka whai whakaaro ngā whare wānanga ki ūnā whiwhinga taumata 2 i a rātou ka tau ki tētahi whakatau.

## Te whakamahi NCEA ki tāwāhi

Ka whakatuwhera te NCEA i ngā tatau ki te ako whare wānanga ki tāwāhi, heoi, me mōhio koe ki ētahi tino mōhiohio.

Me mātua tirotiro koe ki ngā paeuru i te whenua e arohia nā e koe. Ko ētahi whenua me eke rawa ki tētahi nama o ngā whiwhinga i te taumata 3, ā, me whakaatu koe i tō ako i ētahi kaupapa whāiti.

Mēnā e whakauru ana koe ki te ako ki Ahitereiria, me aro kia riro ngā māka kairangi me ngā māka kaiaka maha i ngā paerewa angitū Taumata 3 i ngā kaupapa whai mana i te Urunga ki te whare wānanga. Me mātua whiwhi i te Urunga ki te whare wānanga me tētahi māka tiketike o te ATAR. Ka tatauria e NZQA ngā māka ATAR mō ngā tauira hei te Hanuere ia tau.

## Kore Utu

Mena e whakaaro ana koe ki te ako i tētahi mahi ā-rehe, te ako rānei ki te whare wānanga, e māraurau ana pea koe mō te ako “kore utu”.

Mō te roanga atu o ngā pārongo, kōrero tahi ki tō kura, tirohia rānei  
[www.feesfree.govt.nz](http://www.feesfree.govt.nz)



# Karahipi Aotearoa



Mena e ngākau nui ana koe ki tō tino marau, he tiketike rānei tō whakatutuki mahi, ā, kei te kimi wero koe, kōrero ki tō kura mō te kuhu ki te Karahipi Aotearoa.

Ko tā te Karahipi Aotearoa he āhukahuka i ngā tino kai whakatutuki mahi i roto i ia marau. Ko ngā ākonga ka riro Karahipi ki tētahi marau neke atu rānei ka whakawhiwhia ki tētahi takuhe ā-moni.

Ko ngā tauira ka riro i te Top Subject Scholar, te Premier Schoalr Awards rānei ka āhukahukatia mā te hui Top Scholar Awards a te NZQA.

He rerekē ngā tikanga kuhu a NCEA me Karahipi Aotearoa, ā, he motuhake te aromatawaitanga. He rerekē te Karahipi Aotearoa i

ngā karahipi ka tukuna e ngā rōpū hapori, pakihi, iwi, kaiwhakarato wānanga rānei.

Nō nā tata nei i āpitihia ai Te Ao Haka hei marau Karahipi Aotearoa, ā, hei te tau 2025 ka whai wāhi hoki a Karahipi Aotearoa ki Te Mātai Hinengaro me Te Hangarau Matihiko.



Ko ngā pārongo mō ngā marau e wātea ana ki Karahipi Aotearoa me āna whakahaere, ka kitea ki te paetukutuku a NZQA  
[www.nzqa.govt.nz/nzs](http://www.nzqa.govt.nz/nzs)

## **Ngā Huarahi Mahi**

Ko tā te Huarahi Mahi, he whakaatu i te wāriu o tō ako i te ao tūturu; ka mutu, ka āwhina i tō kuhu ki ngā whakangungutanga me te whai mahi.

E ono ngā wāhanga whānui kei ngā Huarahi Mahi:

Te Hanganga me te Hanga Whare

Ngā Ratonga Auaha

Te Waihanga Rawa me te Hangarau

Ngā Ratonga Ahu Matua

Ngā Ratonga Whakauwhi Tāngata


Ngā Ratonga ā-Haporī, ā-Pāporī.

Ko tā te tohu Ngā Huarahi Mahi, he whakanui i tō whakaoti mahi e ai ki tētahi o ngā huarahi.

E whakaatu ana te tohu i te hāngaitanga o ō akoranga ki ngā pūkenga e kimi ana e ngā kaimahi, ka mutu ka taea hoki e koe tētahi tohu ki ia haurahi ka oti i a koe.



Ka kitea te roanga atu o ngā pārongo mō Ngā Huarahi Mahi ki te paetukutuku a NZQA ki: [www.nzqa.govt.nz/pathways](http://www.nzqa.govt.nz/pathways)



# Ngā Rauemi Tautoko



## **Te Mana Tohu Mātauranga O Aotearoa**

[www.nzqa.govt.nz](http://www.nzqa.govt.nz)

0800 697 296

Information about NCEA including:

subject information

---

subject resources

---

examination timetables

---

field Māori information  
and resources.

---

Information about  
University Entrance.

## **Te Tāhuhu o te Mātauranga**

[ncea.education.govt.nz](http://ncea.education.govt.nz)

[www.education.govt.nz](http://www.education.govt.nz)

04 463 8000

Information about education in  
New Zealand, the national curricula,  
changes to NCEA, new standards,  
literacy and numeracy, and  
supporting materials for teachers  
and schools.

## **Kore Utu**

[www.feesfree.govt.nz](http://www.feesfree.govt.nz)

0800 601 301

Check your eligibility to study  
or train fees-free.

## Youth Guarantee

[www.youthguarantee.net.nz](http://www.youthguarantee.net.nz)

[vocational.pathways@education.govt.nz](mailto:vocational.pathways@education.govt.nz)

04 463 8000

Information about possible  
Vocational Pathways.

## Careers.govt.nz

[www.careers.govt.nz](http://www.careers.govt.nz)

0800 601 301

Explore 400+ job profiles

---

Get career ideas and write a CV

---

Browse study and training options

---



## Whakapā mai

Phone: 0800 697 296

Website:

[www.nzqa.govt.nz](http://www.nzqa.govt.nz)

Email:

[helpdesk@nzqa.govt.nz](mailto:helpdesk@nzqa.govt.nz)

Facebook:

[www.facebook.com/nzqaofficial](https://www.facebook.com/nzqaofficial)

Instagram:

[www.instagram.com/nzqa.official](https://www.instagram.com/nzqa.official)

X:


[www.x.com/nzqaofficial](https://www.x.com/nzqaofficial)

Te Reo Māori version

Published February 2024



Mana Tohu Mātauranga o Aotearoa  
New Zealand Qualifications Authority



[www.nzqa.govt.nz](http://www.nzqa.govt.nz)